

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Libertas.

**urn:nbn:de:hbz:466:1-14259**

tum, ut aqua longe altior terra, ita suspenderetur, ne continentē omnem obrueret, quoquo versum circumfusa. Tametsi non defuerunt antiquorū ingenia, quā natura fieri hoc commentarentur. Plolemāus quippe Almagesto, triginta se nescio quas stellas Arctico polo affixas deprendit profiter, quā cum siccā frigidāq; naturā sint, vi sua repellant aquas, terram autem ea parte, qua illā micant, ut sibi natura similem, & temperatura quadam à Saturnī sidere copulatam exerant, & suspenſam teneant. Alii Magneti hoc attribuunt, quo lapide tota illa pars, quā ad Arcticum versa est, incrustata quodammodo comperitur, tantamque illi vim, dum se ad polum erigit, esse dicunt, ut universum tenz corpus eodem trahat, atq; ita bonam ejus partem undis extare faciat. Alii alias atq; alias super hoc rationes communiscuntur, concavitates subterraneas, ovalem figuram, protuberances, & commenta alia ingeniose magis quam vere excogitata: quā omnia si suscepit operis ratio pateretur, facile refelli possent, utpote quā tam validissimis naturā rationibus, quam hodiernae navigationis explorationē falsā deprehenduntur. Sed hæc illi viderint. Basilius Magnus totum hoc ad Architecū summi Dei sapientiam refert, admirationemq; omnem dirigere nos ad ejus providentiam adhortatur. Nam & apud Hieremiam Prophetam ipse rerum opifex clamat: *Vos igitur non timbitum, qui posui arenam terminum maris?* quasi nulla alia in re magis potentiam viresq; suas ostentant. Ille enim cum abyssos circumvallaret, legem imposuit aquis, ne datos transflant fines, signatis, teminis coērceantur.

Jor. c. 5.

## IGNAVIA. CAP. V

*Fabius libr. 11. languen-  
tim otio* **E**xpedita autem manus, & in propatulum prolata, ita opus, autoritatem, atq; potestatem indicabat: contra manum ha- vero, nihil hominem, ignavum & otio desidiaque torpe- beret fab- scensem significare si vellent, manus ejus in signum confer- psilio ait. *D. Laertium* tas effingebant: qui porro status ignavissimi hebulonis est, in ejus Gita cum præfertim Anaxagoras ideo sapientissimum omnium *E. tenacis* animantium videri hominem dixerit, quia manibus instru- acarig. ex *Theocrito* bus. & us foret. Quod dictum Plutarchus in Moralibus repetit, neque dissimulat Aristoteles.

## FURACITAS. CAP. VI

**A** pud authores aliquot invenias lāvam manū pro Furacitate positam. Nam Plautus, Persa, ubi Sophocli disca- lena Pechnū pueri manū depositeret, atque ille dexteram porrexisset, respondit ea: *Ubi illa altera est furistica lāva?* Ita & Catullianum illud intelligitur de Marrucino, qui manū si- nistra non bene utebatur, sed in joco atque vino tollebat lin- tea negligenter.

## PLAUSUS. CAP. VII.

**P**lausum autem, letitiæq; & gratulationis signum, manibus in eum gestum figuratis ut sese complodere videren- tur, significare, theatra Romana, & Poëtarum pulpita saepius ostenderunt. Id autem in Sardanapali statua, quā Tharsi era, exprimebatur, cum inscriptione, quā modis omnibus lasciviendum esse commoneret.

## IMPEDIMENTUM. CAP. VIII.

**C**omplicatas vero manus digitis pectinatim insertis, adeo vetus illa religio impedimenti signum esse credit, ut parturientium nixibus obstat, ne partum edere poscent, quamdiu manus eq; gestu tenerentur, perdita admodum superstitione persuasum habuerit.

## LIBERTAS. CAP. IX.

*Tib. Clau-  
dii & Iuliæ  
Pie numus.* **Q**uemadmodum vero per manus ita complexas impedimentum significabant, sic per eas ex- plicatas libertatem innuebant. Numus est Tib. Claudii Cæsar in quo videre est sigillum, quod dexter



A dextera pileum tenet, lœvam quam late potest discapedinatam exporrigit, cum inscriptione, LIBERTAS AUG. Quamvis vero pileus per se sit libertatis signum, manus ea tamen ita passa significatum adauget. Sed enim ut de parturientium fascinatione per implexas manus dicebamus, ita contrarium est in numo Julij Piæ, ubi partus felicitas explicatur, in quo Venus lœva hastæ innititur, dexteram expansam ostendit, cum inscriptione, VENUS GENETRIX. Romani enim genus à Venere, propter Aeneam ejus filium, seducere asleverabant, maxime vero gens Julia.

## VENUS GENETRIX. CAP. X.

Quæ quidem condente & dicante Julio Cæsare, templum erexit Veneri Genetrici, cuius Plinius, Tranquilius & alii meminere. Legimus & Cæsar's tesseram fuisse, VENUS Genetrix: ut Sylla, Apollo Delphicus: Marii, Lareus. Observandum autem, in numo scriptum esse GENETRIX per e media syllaba, prout veteres Grammatici scribent, dum monent, cum tamen genitor per i notandum agnoscant.

## LIBERALITAS.

## CAP. XI.

Est & illud frequentissimo Latinitatis usu dictatum: Manu remittere, liberalitatis & donationis significato, quo loquendi modo lusores præcipue utuntur: nam Remittere manus, est Condonare Collusori jaquam, quem sua ipse manu damnosum fecisset, debueritq; ob id numeros exolvere. Hinc legere est in epistola Octavianī Augusti ad Tiberiū: Ego perdidis viginti milia manus quidcum, sed cum effuse in lusu liberalis fuisse, ut soleo plerumq; nam si quas manus remisi cuique exegissim, Exsist apud aut retinuisse, quod cuiq; donavi, vici fuisse vel quinquaginta milia: sed hoc malo, benignitas enim mea Aug. c. 71. ad cœlestem gloriam effert. Præcipue vero dextram liberalitatis & ergotomis indicium esse voluerunt: utpote qua, uti prompta est, & ad capiendum expeditissima, ita & ad porrigendum ergandum; usitatis sitissima. Unde Graci δῶεγι illud suum mensuræ de manu sumptæ vocabulum, de quo alibi locus, suis, deductum volunt, quod scilicet inde dona porriganter. Sed quoniam tam liberalitatis quam libertatis significatum in dextera ponunt, hujusmodi disciplina longe melius sacræ nostrorum literæ prodiderunt: veteres enim Theologi, qui divinorum nominum significata perscrutantur, eam inesse vim in Dei dextera intellexere, unde pulchra, grata, leta, omnia provenirent, proprioque nomine Michaelē vocari. At Gracorum Theologia Michaelis vim in Deo eam esse dicunt, quam Mathematici Veneri dedicarunt. Psalmō decimo supra centesimum jubetur Christus sedere à dextera Dei patris, ubi Theologi per Sessum, Requiem & fruitionem divini imperii, & patri, & filio propriam, & honore parem intelligent. Dei vero dexteram, effusissimam ejus benignitatem interpretantur. Lævam demum Aranoram in Deo vim esse dicunt, unde fortia, dura, & castigantia procedant, idq; numeris Gabriēl appellatum, quod Astronomi ex Gracorum Theologia Martem esse dixerunt.

## VER, HYEMS, SOL.

## CAP. XII.

A pud Græcos, Latinosque Poetas plerumque, reperimus centimanum Briareum, centimanumque Gygem: quin & Homerus Solem ἵκαντις ζειεց nuncupavit, quorum significata cum hieroglyphicon instar interpretentur, non importunum fuerit hic explicasse. Interpretes Hesiodi, per Briareum vernum tempus dici tradunt, ob herbarum, florū, & frondium copiam, quam affluenter adeo sumministrat. Per Gygem vero, hyemem, & ipsum centi-



manum,

*Hom. Iliad.  
a. 402.  
Virg. Aen. 6.  
Horat. 2.  
Car. od. 17.  
Centimanum.*

H h h